

Basa Malayu Trengganu

Basa Malayu Trengganu (cara Malayu: *Bahasa Malayu Terengganu*, cara Malayu Trengganu Malay: *Base Tranung/Ganu*) iku basa Malaya kang dicaturaké ing Praja Trengganu, Malaysia sadawaning laladan pasisir Trengganu mangidul tekan pasisir Payang lan Mersing, Johor lan mangétan tekan Kapuloan Anambas, Indonésia ing Segara Cina Kidul. Minoritas Cina saenggon kang mèmper wong Peranakan ing Trengganu nganggo basa Trengganu minangka basa ibu lan uga basa Hokkièn. Sanajan mangkono, ing laladan wates Praja Trengganu lan Praja Kelantan, basa Trengganu dudu basa kang umum. Contoné, basa Malayu Kelantan luwih ngrembaka ing iring lor kutha Besut, ing dhistrik Trengganu. Basa enggon-enggonan iki kala-kala angèl dingertèni tumrap panyatur basa Malayu baku masiya rong basa iku akèh iribé. Basa Malayu Trengganu nganggo alfabèt Latin lan aksara Jawi dalah alihaksara Arab tumrap tulisan. Basa Malayu Trengganu iku gegayutan raket karo basa Malayu Kelantan-Petani lan basa Malayu Payang amarga praja-prajané padha wewatesan nanging ora patiya raket karo basa Malayu Kedah.

Basa Malayu Trengganu dianggo ing manéka sinétron lan filem lokal.^[1] Setasiyun radhio kaya ta Terengganu FM lan Hot FM adaté nganggo cara Malayu Trengganu nalika siyaran lan uga nganggo basa Malaysia baku.

Isi
Jeneng
Sangkan
Conto tulisan
Rujukan
Pranala njaba

Jeneng

Wong Trengganu lumrahé ngarani basané dhéwé *base/bahse Tranung/Tghanung* (/bɑhsə tʃanuŋ/) kang tegesé 'basa Trengganu' utawa *Cakak Tranung* (/tʃakaʔ tʃanuŋ/) kang tegesé 'cara Trengganu'. Ing basa Malayu Baku, basa iki ingaran *Bahasa Terengganu* utawa *Bahasa Malayu Terengganu* (*Dhialèk/Loghat Terengganu* kang ateges 'dhialèk Trengganu' uga jamak dianggo). Wong njaban Trengganu asring salah ngira yèn wong Trengganu ngarani golongan lan basané dhéwé *Ganu*. Tembung *Ganu* iku satemené cara

Malayu Trengganu	
Base Tranung	
Bahasa Malayu Terengganu	
بهاس ترڠگانو	
Asal	Malaysia
Laladan	Trengganu, Mersing (Johor), Kuantan (Payang)
Ètnis	Malayu Trengganu
Panyatur asli	1,1 yuta (2010)
Kulawarga basa	<div>Austronésia<ul style="list-style-type: none">Malayo-Polinésia (MP)<ul style="list-style-type: none">MP Inti<ul style="list-style-type: none">Malayo-Sumbawa<ul style="list-style-type: none">Malayik<ul style="list-style-type: none">Malaya<ul style="list-style-type: none">Malayu<ul style="list-style-type: none">Malayu Trengganu</div>
Dhialèk	Trengganu Pasisir Trengganu Punjer
Kodhe basa	
ISO 639-3	—
Linguist list	<div>zlm-coa (http://multitree.org/codes/zlm-coa) (pasisir) zlm-inl (http://multitree.org/codes/zlm-inl) (punjer)</div>
Glottolog	<i>Ora ana</i>

Kelantan lan olèhé wong Besut ing iring lor Trengganu ngucapaké Trengganu. Tembung iku arang kanggo déning wong Trengganu kang urip ing iring kidul (Setiu Kidul tekan Kemaman). Saliyané *Tranung* saha *Ganu*, wong Trengganu kala-kala uga nganggo jeneng *Ganung*, *Tegau*, lan *Teganung*.

Sangkan

Ana sawatara ancangan ngenani sangkané aran *Terengganu*. Salah sijiné mratélakaké manawa sangakané saka pitembungan *terang ganu*, kang ing cara Malayu tegesé 'kuwung sumunar'. Ana lakon, kang ujaré dicaritakaké déning Sultan Trengganu ping sanga aran Bagénda Umar, ngenani sagrombolan gurma saka Payang. Para gurma iku ngubengi lan mbebujung ing laladan kang saiki kalebu iring kidul Trengganu. Salah siji gurma iku weruh ana siyung kéwan kang gedhé nggléthak ing lemah. Nuli kancané mitakon yèn siyung iku saka kéwan apa. Gurma iku, kang ora ngerti apa-apa, mung wangsulan *taring anu* (cara Malay: 'siyungé anu'). Grombolan iku banjur bali Payang nggawa akèh beburon, wulu kéwan, lan kayu cendhana. Gegawané iku ngagumaké tangga teparoné kang padha pitakon saka endi asalé. Para gurma iku mangsuli yèn gegawané iku saka laladan *taring anu* kang banjur salin lan kondhang dari *Terengganu*. Trengganu diarani Trangkanu (cara Thai: ตรังคานู) déning wong Siyam nalika wewengkon Trengganu kabawah Siyam.

Conto tulisan

Ing basa Malayu Trengganu:

Budok-budok lening koho dok kena makanang tradisi, sohbeng kate kuey, nasik pong ttuko bimbo lagi, nok wak guane makanang lening modeng blake, oghang mude tak mboh belajo duk ngarak ke oghang tue sokmo.

Ing basa Malaysia:

Budak-budak sekarang sangsaya tak kenal makanan tradisi, jangan tembung kuih, nasi pun masih tertukar lagi, nak buat macam mana makanan sekarang semua moden, orang mudah tak nak belajar selalu mengharap ke orang-orang tuwa.

Rujukan

1. "Kajian dhialèk TRENGGANU" (<http://www.slideshare.net/nazarinanawawi/kajian-dialek-trengganu>). *Slideshare.net*. 2013-01-14. Dijupuk 2016-02-10.

Pranala njaba

- Ensiklopedia Sejarah dan Kebudayaan Malayu, DBP Kementerian Wiyata Malaysia
- Loghat Terengganu | Terengganu (http://www.visit-terengganu.net%2Floghat-terengganu%2F&ei=2NRaTYyrNoLtrQfi7_WuDA&usg=AFQjCNEImz5sXL2sL7g48dcRb_kANX6haQ)
- Bahasa Malaysia Simple Fun - Terengganu Malay Language (<http://www.bahasa-malaysia-simple-fun.com/terengganu.html>)

Dijupuk saka "https://jv.wikipedia.org/w/index.php?title=Basa_Malayu_Trengganu&oldid=1436124"

Kaca iki pungkasan diowah nalika 08.08, 8 Maret 2018.

Tèks iki cumepak kanthi Lisènsi Atribusi-DumSaèmper Creative Commons; paugeran tambahan bokmanawa uga lumaku. Wacaa [Paugeran Panganggo](#) kanggo rerincèné.

